

SARS e tjhorisa tsepamiso ya yona hodima Dithraste

Tshwane, 28 Loetse 2022 - Ditshebeletso tsa Lekgetho tsa Afrika Borwa (SARS) di ntse di ntlafatsa tsepamiso ya tsona hodima Dithraste ka ho kena leetong la ho etsa hore ditshebeletso e be tsa sejwalejwale le ho re di ntlafale bakeng sa mokgahlelo ona wa balefalekgetho. Sepheo ka dintlafatso tsena ke ho nolofaletsisa le ho etsa hore dintho di be bobebe bakeng sa Dithraste tsena ho ikobela boitlamo ba tsona ba molao.

Ho fihlella tsena tse ka hodimo, SARS e entse manollo ya boemo bo renang ha jwale ba boikobelo ba lekgetho ka Dithraste mmoho le baunamolemo ba tsona ho fumana hore na ebe ke Dithraste le baunamolemo kaofela ha bona na ba ingodisitseng le SARS bakeng tsa makgetho le hore na baunamolemo ba tsona ba fane ka dikgutliso tsa bona tsa lekgetho la lekeno na. Ebang ho le jwalo, na dikgutliso tseo di bontsha ka botlalo le ka ho nepahala hore maemo a tsona a tsa lekgetho mmoho le ditefo tsa boitlamo ba tsona bo feela bo kgotsofaditswe na.

SARS e sebetsa ka thata ho eketsa le ho atolosa tshebediso ya data. Ka tshebediso ya motjha ona, SARS e se e hlwaile palo e bonahalang ya baunamolemo ba Dithraste ba ileng ba fumana dikabelo empa ba sa ka ba fana ka dikgutliso tsa bona tsa lekgetho la lekeno ho latela boitlamo ba bona ba molao ho ya ka tsebiso ya setjhaba ya selemo ka seng e tlasa karolo ya 25 ya Molao wa Taolo ya Lekgetho wa 23 wa 2011.

Baunamolemo bana ba akaretsa dikhampani, batho ka bomong le Dithraste ba tlamehang ho fana ka dikgutliso tsa bona tsa lekeno hanghang. Ebang ba hloleha ho lokisa ho se ikobele tefo ena ya lekgetho, SARS e tla sebedisa dipehelo tsa molao tse ka nnang tsa kenyeletsa diketso tse kang ho tla ka dihlahlobo tse akantsweng, ho kenngwa ha tswala le dikotlo mmoho le dikgato tsa molao le tsa bonokwane.

Ho bapa le maikemisetso a tsona a mawala a ho tliša tlhakisetsa le nnetefaletsa hore balefalekgetho ba tsebe ho ikobela boitlamo ba bona ba molao jwalokaha ho lokela ho ya ka molao, ho na le tshebetso ya nakwana ya onlaene (SOQS) e fumanehang ho kgontsha Dithraste ho ingodisa le SARS. Tshebetso ena e ka fihlellwa ka ho latela kgokedi ena: [SARS Online Query \(2.0.0.0 \(Prod\)\)](#).

Khomishenara ya SARS Mong. Edward Kieswetter o boletse hore "SARS e tla sebedisa tsohle tse matleng a yona ho ya ka molao ebang balefalekgetho ba Dithraste le baunamolemo ba tsona ba etsa ka boomo ho iphaphanya le boitlamo ba bona ba molao. Le ha ho le jwalo, balefalekgetho ba Dithraste le baunamolemo ba tsona ba ka nna ba lokisa merero ya bona ya lekgetho ka ho sebedisa Lenaneo la Tshenolo ya Tsohle ka Boithaopo (VDP) le fumanehang ho eFiling".

Ho fumana lesedi le fetang lena, ka kopo ikopanye le SARSMedia@gov.za